



ZRRUM/UTD-08/04/2010

2 korrik 2010

URDHËRESË PËR TARIFË SHËRBIMI

PËRCAKTIMI I TARIFËS SË SHËRBIMIT PËR DEPONIM TË MBETURINAVE QË APLIKOHET NGA KOMPANIA PËR MENAXHIM TË DEPONIVE NË KOSOVË (KMDK) SH. A. PRISHTINË

Në përputhje me autoritetin e dhënë me *Ligjin Nr. 03/L-086, Mbi Veprimtarinë e Ofruesve të Shërbimeve të Ujësjetës, Kanalizimit dhe Mbeturinave*, të datës 13 qershor 2008 me të cilën është amendamentuar Rregullorja e UNMIK-ut 2004/49 ("Ligji").

Duke marrë parasysh rezultatet e shqyrtimit të aplikacionit për Tarifë të Shërbimit të dorëzuar nga KMDK Sh. A.

Zyra Rregullatore për Ujë dhe Mbeturina (ZRRUM) nxjerrë këtë Urdhëresë për Tarifë Shërbimi:

1. Interpretimi

Në këtë Urdhëresë Tarifore të Shërbimit, përveç nëse konteksti e kërkon ndryshe, termat dhe shprehjet e shkruara me shkronja të mëdha do të kenë kuptimin që atyre iu është atribuar në Ligj, si dhe në Rregullën për Licencimin e Operatorëve të Deponive në Kosovë R-01/SWD, lëshuar më 26 Janar 2005.

2. Zbatueshmëria

Kjo Urdhëresë e Tarifës së Shërbimit është e zbatueshme dhe e detyrueshme për Kompaninë për Menaxhim të Deponive në Kosovë Sh. A., që me këtë të procedojë me rastin e faturimit të konsumatorëve të vet për shërbimet e deponimit të mbeturinave.

3. Tarifa e Shërbimit

Kompania për Menaxhim të Deponive në Kosovë Sh. A. për shërbimet e deponimit të mbeturinave do të aplikojë tarifën në lartësi prej **5.26 €/ton** të mbeturinave të deponuara.

4. Kohëzgjatja

Tarifa e Shërbimit e aprovuar me këtë Urdhëresë Tarifore të Shërbimit do të hyjë në fuqi, nga: **1 Qershor 2010 dhe do të vlejë gjer me 31 Maj 2011.**

5. Publikimi dhe Shpërndarja e Tarifës së Shërbimit

Kompania për Menaxhim të Deponive në Kosovë Sh. A. do ti njoftojë të gjithë Ofruesit e Shërbimeve të Grumbullimit dhe Deponimit të Mbeturinave në deponitë që ajo i menaxhon, me tarifën e aprovuar sipas kësaj Urdhërese Tarifore, me rastin e nënshkrimit të Kontratës për Shërbime ose të njëjtën i bashkëngjit faturës së parë të dorëzuar pas hyrjes në fuqi të kësaj Urdhërese.

6. Apelet

Kompania për Menaxhimin e Deponive në Kosovë Sh. A. ka të drejtë të apelojë tek Komisioni për Shqyrtim që themelohet konform *Ligjit Nr. 03/L-086*.

7. Gjuha Zyrtare e Urdhëresës së Tarifës

Kjo Urdhëresë e Tarifës nxjerrët dhe publikohet në tri (3) versione të gjuhëve të shkuara nga te cilat dy (2) janë gjuhë zyrtare që përdoren në Kosovë :

- 1) Shqip,
- 2) Serbisht, dhe
- 3) Anglisht si gjuhë alternative.

Në rast të mospërputhjeve në mes të versioneve, do të mbizotërojë versioni në gjuhën Shqipe.

.....
Raif Preteni,
Drejtore i ZRRUM